

四庫全書

史部

欽定四庫全書

史部

欽定續通典卷六十三
四

詳校官監祭御史_臣曹錫寶

洗馬_臣王坦修覆勘

校對官編修_臣孫希旦

謄錄監生_臣蔡階武

欽定四庫全書

欽定續通典卷六十三

禮
嘉

皇太后皇后車輅

宋

金

明

宋因唐制皇后車六等一曰重翟二曰厭翟三曰翟車
四曰安車五曰四望車六曰金根車厭翟車箱上有平
盤四角曲欄盤兩壁紗牕龜文金鳳翅前有虛匱香爐
香寶緋繡幃衣絡帶門簾三轅鳳首畫梯推竿行馬緋

繒裏索駕六馬金銅面纓轡鈴攀緋屨駕士三十人武弁緋繡衫徽宗政和三年議禮局上皇后車輿之制重翟車青質金飾諸末間以五采輪金根朱牙其箱飾以重翟羽四面施雲鳳孔雀刻鏤龜文頂輪上施金立鳳耀葉青羅幃衣一紫羅畫雲龍絡帶二青絲絡網二紫羅畫帷一青羅畫雲龍夾幔二車內設紅褥及坐橫轅上施立鳳八香匱設香爐香寶香匱飾以螭首前後施簾長轅三飾以鳳頭青繒裏索駕青馬六馬有銅面插

翟羽輦纓攀胸鈴拂青屣青包尾若受冊謁景靈宮則
乘之厭翟車赤質其箱飾以次翟羽紫幘衣紅絲絡網
紅羅畫絡帶夾幔錦帷餘如重翟車駕赤騮四若親蠶
則乘之翟車黃質車側飾以翟羽黃幘衣黃絲絡網錦
帷絡帶餘如重翟車駕黃騮四安車赤質金飾間以五
采刻鏤龜文紫幘衣錦帷絡帶紅絲絡網前後施簾車
內設褥及坐長轅三飾以鳳頭駕赤騮四凡駕馬輦纓
之飾並從車質四望車朱質青幘衣餘同安車駕牛三

金根車朱質紫幘衣餘同安車駕牛三自重翟車以下
備鹵簿則以次陳設

臣等謹案遼元皇后之車輅皆不著于史遼之國
輿于納后儀見皇后就車于祭山儀見太后乘總
纛車而其制亦無考焉

金皇后之車六一曰重翟車青質金飾金塗銅鈸花葉
段裝釘耀葉二十四明金立鳳一紫羅銷金生色寶相
帷一青羅青油幘衣各一朱絲絡網紫羅明金生色雲

龍絡帶各二兩箱明金五彩間裝翟羽二金塗礪石長
轅鳳頭三橫轅立鸞八香爐香寶子一副宜男錦帶結
朱漆杌子踏床各一扶板扶魚一副紅羅明金衣褥紅
羅襯褥一青羅行道褥四青羅明金生色雲鳳夾幔一
紅羅明金緣紅竹簾二金塗銅葉斷行馬二朱紅漆金
塗銀葉裝釘梯一青羅梯尋儀褥二踏道褥十青絹裹
大麻索二油蒙帕一二曰厭翟車赤質倒仙錦帷一紫
羅紫油幃衣各一朱絲絡網宜男錦絡帶各二餘同重

翟惟行道夾幔尋儀褥羅及裹索等用紅三曰翟車黃
質金飾礪石葉段裝釘宜男錦帷黃羅油憶衣礪石長
轅鳳頭三無橫轅立鸞餘同厭翟而羅色用黃四曰安
車赤質倒仙錦帷紫油憶衣朱絲絡網天下樂錦絡帶
礪石長轅鳳頭三無橫轅立鸞及香爐香寶子餘同翟
車而色皆用紅五曰四望車朱質宜男錦帷青憶衣轅
端螭頭二餘並同安車六曰金根車朱質紫羅紫油憶
衣朱絲倒仙錦絡帶各二踏床褥用紅綾衣尋儀褥踏

道褥並用綾餘並同安車又有九龍車一高二丈廣一丈一尺長二丈六尺五鳳車四各高一丈八尺長廣如之圓輅車一方輅車一重簷車一各高一丈七尺長一丈八尺廣八尺皆駕馬四駕士各五十人並平巾幘生色青緋黃三色寶相花三銀褐抹帶大口袴

索字文懋昭大金國

志金后妃並用殿車其車如五花樓之狀上以錦緣青氍為蓋四圍以簾秋冬亦用氍並用錦緣柱廊月板護泥皆飾以金玉或四輪或兩輪並用朱車之四角后

用金鳳妃用金孔雀所載與史差異附識之以資考

云校

明制皇后輅高一丈一尺三寸有奇平盤前後車櫺並
雁翅四垂如意滴珠板轅長一丈九尺六寸皆紅髹轅
用抹金銅鳳頭鳳尾鳳翎葉片裝釘平盤左右垂護泥
板每輪輻十有八皆紅髹輞以抹金鈹花銅葉片裝釘
車轂用抹金銅鈹蓮花瓣輪盤裝釘軸中纏黃絨駕轅
諸索輅亭高五尺八寸有奇紅髹四柱檻座上沈香色
描金香草板十二片前左右有門高四尺五寸有奇廣
二尺四寸有奇門旁沈香色線金菱花榻各二下條環

板有明枳抹金銅鈹花葉片裝釘後紅髹五山屏風鈹
金鸞鳳雲文屏上紅髹板鈹金雲文中裝雕木渾貼金
鳳一屏後紅髹板俱用抹金銅鈹花葉片裝釘亭底紅
髹上施紅花毯紅錦褥席紅髹坐椅一靠背雕木線金
五彩裝鳳一上下杳草雲板各一紅福壽板一并褥椅
中黃織金綺靠坐褥四周有椅裱施黃綺帷幔外用紅
簾十二扇前二柱鈹金上寶相花中鸞鳳雲文下龜文
錦輅頂并圓盤高二尺有奇抹金銅立鳳頂帶仰覆蓮

座垂攀頂黃線圓條四盤上紅髹下四周沈香色描金
雲文內青地五彩雲文以青飾輅蓋內寶蓋紅髹匡闔
以八頂冒以黃綺頂心及四周繡鳳九并五彩雲文天
輪三層紅髹上雕木貼金邊耀葉板七十二片內飾青
地雕木五彩雲鸞鳳文三層間繪五彩雲襯板七十二
片下四周黃銅裝釘上施黃綺瀝水三層間繡鸞鳳文
四垂青綺絡帶繡鸞鳳各一圓盤四角連輅座板用攀
頂黃線圓條四輅亭前後有轉角闌干各二扇內嵌條

環板皆紅髹計十二柱柱首雕木紅蓮花線金青綠裝蓮花抱柱其踏梯行馬之屬與大馬輦同

大馬輦見下篇

安車

其制高九尺七寸有奇平盤前後車樞並雁翅板轅二長一丈六尺七寸有奇皆紅髹用抹金銅鳳頭鳳尾鳳翎葉片裝釘平盤左右垂護泥板及輪二貫軸一每輪輻十有八皆紅髹軸中纏黃絨駕轅諸索車亭高四尺四寸紅髹方柱四上裝五彩花板十二片前左右有門高三尺七寸有奇廣二尺二寸有奇門旁紅髹十字樞

各二後三山屏風屏後壁板俱紅髹用抹金銅鈸花葉
片裝釘亭底紅髹板上施紅花毯紅錦褥四周施黃綺
帷幔外用紅簾四扇車蓋用紅髹抹金銅寶珠頂帶蓮
座高六寸四角抹金銅鳳頭用攀條四並紅髹木魚蓋
施黃綺漚水三層銷金鸞鳳文鳳頭下垂紅帔錯其踏
梯行馬幘衣與輅同

宋皇太子親王車輅

皇太孫附

宋

遼

金

明

宋皇太子車輅之制一曰金輅車二曰輅車三曰四望

車太宗至道初真宗為皇太子謁太廟乘金輅常朝則
乘馬真宗天禧中仁宗為皇太子亦同此制徽宗政和
三年議禮局上皇太子車輅之制金輅赤質金飾諸末
重較箱畫莛文鳥獸黃屋伏鹿軾龍輈金鳳一在軾前
設障塵朱蓋黃裏輪畫朱牙左建旗九旒右載闌戟旗
首飾金龍頭銜結綬及鈴綏八鸞在衡二領在軾駕赤
騮四金鍍方鈇插翟尾鏤錫輦纓九就從祀謁太廟則
供之輅車金飾諸末紫油通幃紫油纁朱裏駕馬一四

望車金飾諸末青油通幃青油纁朱裏朱絲絡網駕馬
一輅車四望車以次列於鹵簿仗內親王乘象輅

遼皇太子金輅從祀享正冬大朝納妃用之冊皇太子
儀乘黃令陳金輅皇太子升降金輅輅車金飾紫幃朱
裏駕一馬五日常朝享宮臣出入行道用之四望車金
飾紫油纁通幃駕一馬弔臨用之

金世宗大定六年奏皇太子金輅典故制度奉敕詳定
輅旗旂首及應用龍者更以麟為飾省去障塵等物上

用名件色數依上公以九為節軾前金龍改為伏鹿軾

上坐龍改為鳳簾褥用黃羅處改為梅紅

其制並與宋皇太子金輅

同皇帝輅自頂至地高一丈七尺今減綢四分之一為一丈三尺二寸脩廣之綢亦如之

明皇太子金輅高一丈二尺二寸有奇廣八尺九寸轅長一丈九尺五寸輅座高三尺二寸有奇平盤滴珠板輪輻輪輞悉同玉輅輅亭高六尺四寸有奇紅髹四柱長五尺四寸檻座上四周線金五彩香草板前左右有

門高五尺有奇廣二尺四寸有奇門旁榻各二編紅線
條及明欂皆紅髹後五山屏風青地上雕木貼金龍五
間以五彩雲文屏後紅髹板皆抹金銅鈸花葉片裝釘
紅髹匡軟座紅絨隆座大索四下垂蓮花隆石上施紅
毯紅錦褥席紅髹椅一納板一并褥椅中紅織金綺靠
背坐褥四周有椅裙施紅羅帷幔外用青綺緣邊紅簾
十二扇椅雕貼金龍彩雲下線金彩雲板一亭內編紅
線條輅頂并圓盤高二尺五寸有奇又鍍金銅寶珠頂

帶仰覆蓮座高九寸垂攀頂紅線圓條四盤上丹漆下
內外皆青地繪雲文以青飾輅蓋亭內周圍青斗拱承
以丹漆匡寶蓋闕以八頂冒以紅綺頂心繡雲龍餘繡
五采雲文天輪三層皆紅髹上雕木貼金邊耀葉板七
十二片內飾青地雕木貼金雲龍文三層間繪五采雲
襯板七十二片四周黃銅裝釘上施紅綺瀝水三層每
層七十二摺間繡五采雲龍文四角之飾與大輅同第
圓條用紅線輅亭前一字闌干一扇後一字帶轉角闌

干一扇左右闌干二扇內嵌丹漆五彩雲板計十四柱
柱首制與大輅同亭後建紅旗二以紅羅為之九旂每
旂內外繡升龍一左旗腰繡日月北斗竿用抹金銅龍
首右旗腰繡散字竿用抹金銅戟綴抹金銅鈴二垂紅
纓其踏梯行馬之屬與玉輅同親王象輅其高視金輅
減六寸其廣減一尺轅長視大輅減一尺輅座高三尺
有奇餘飾同金輅輅亭高五尺二寸有奇紅髹四柱檻
座上四周紅髹條環板前左右有門高四尺五寸有奇

廣二尺二寸有奇門旁榻各二及明杌後五山屏風皆紅髹用抹金銅鈸花葉片裝釘亭底紅髹施紅花毯紅錦褥席其椅靠坐褥帳幔紅簾之制俱同金輅輅頂并圓盤高二尺四寸有奇用抹金銅寶珠頂餘同金輅天輪三層用紅髹上雕木貼金邊耀葉六十三片內飾青地雕木五彩雲文三層間繪五采雲襯板六十三片四周黃銅裝釘上施紅綺瀝水三層每層八十一摺繡瑞草文前垂青綺絡帶二俱繡升龍五彩雲文圓盤四角

連輅座板用攀頂紅線圓條四并紅髹木魚亭前後闌干同金輅左右亦有闌干內納條環板皆紅髹計十四柱柱首雕木紅蓮花線金青綠裝蓮花抱柱前闌干內布花毯紅旗二與金輅所樹同竿上祇垂紅纓五其踏梯行馬之屬亦同金輅皇孫車成祖永樂中定皇太孫婚禮儀仗如親王降皇太子一等用象輅郡王無輅

公侯大夫等車輅

宋

金

元

明

宋制親王一品二品奉使及葬並給革輅制同乘輿之

副惟改龍飾為螭六引內三品以上乘革車赤質制如
進賢車無案駕四赤馬駕士二十五人其緋幘衣絡帶
旗戟綢杠繡文司徒以瑞馬京牧以隼御史大夫以獬
豸兵部尚書以虎太常卿以鳳駕士衣亦同縣令乘軺
車黑質兩壁紗幘一轅金銅飾紫幘衣絡帶並繡雉銜
瑞草駕二馬駕士十八人真宗大中祥符三年知樞密
院事王欽若言王公車輅上並用龍裝乞下有司檢定
制度詔下太常禮儀院詳定本院言按鹵簿令王公以

下象輅以象飾諸末朱班輪八鸞在衡左建旂畫龍一
升一降右載闔戟革輅以革飾諸末左建旂餘同象輅
木輅以漆飾之餘同革輅軺車曲壁青幘碧裏諸輅皆
朱質朱蓋朱旂旒一品九旒二品八旒三品七旒四品
六旒其輦纓如之神宗元豐三年詳定禮文所言鹵簿
記公卿奉引第一開封令乘軺車次開封牧隼旗次太
常卿鳳旗次司徒瑞馬旗次御史大夫獬豸旗次兵部
尚書虎旗而乘革車考之非是謹按周禮巾車職曰孤

乘夏篆卿乘夏纓大夫乘墨車司常職曰孤卿建旗大夫建物請公卿以下奉引先開封令乘墨車建物次開封牧乘墨車建旗太常卿御史大夫兵部尚書乘夏纓司徒乘夏篆並建旃所以參備九旗之制詔從之徽宗時政和議禮局又上王公以下車制象輅以象飾諸末朱班輪八鸞在衡左建旗右載闔戟駕馬四親王昏則用之革車赤質載闔戟緋羅繡輪衣簾旗韜杠絡帶駕赤馬四大駕鹵簿六引法駕鹵簿三引開封牧乘之王

公一品二品三品備鹵簿皆供革車一乘其輪衣簾旗
韜杠絡帶繡文開封牧以隼大司樂以鳳少傅以瑞馬
御史大夫以獬豸兵部尚書以虎軺車黑質紫幘衣絡
帶並繡雉施紅錦簾香爐香寶結帶駕赤馬二鹵簿內
第一引官縣令乘之駕馬皆有銅面插羽鞶纓攀胸鈴
拂緋絹屣紅錦包尾六年禮制局言開封牧列職于朝
與御史大夫同其在周官則卿大夫之職乃乘墨車可
乎成周上公建常九旂侯伯七旂子男五旂大夫車旗

亦各視其命之數則卿建旃當六旂大夫建物當四旂
至於三旂則上士所建也其開封令宜乘墨車而建物
四旂開封牧御史大夫戶部禮部兵部尚書皆卿也宜
乘夏縵而建旗六旂其年詳定官蔡攸又言輅車非縣
令宜駕革車非公卿宜用鳳馬之繡無所經見闔戟之
設尤為誤謬開封令秩比大夫開封牧古之諸侯其乘
皆宜墨車其駕之馬令以三牧以四御史大夫以六尚
書卿之任也其駕亦四則所乘之車稱矣司常曰孤卿

建旃大夫士建物師都建旗開封令秩視大夫宜建以物開封牧師都之任宜建以旗尚書御史大夫古之卿也宜建以旃從之七年禮制局又言昨討論大駕六引車已經冬祀陳設訖所有駕士衣服尚循舊制宜改正請墨車駕士衣皂夏纓駕士皂質繡五色團花於禮為稱從之

金王公以下車制一品轅用銀螭頭涼棚杆子月板並許以銀裝飾三品以上螭頭不得施銀涼棚杆子月板

亦聽用銀為飾五品以上轅獅頭六品以下轅雲頭庶人坐車平頭止用一色黑油

元制車輿除不得用龍鳳文外一品至三品許用間金裝飾銀螭頭繡帶青幔四品五品用素獅頭繡帶青幔六品至九品用素雲頭素帶青幔庶人車輿黑油齊頭平頂皂幔

明太祖洪武元年定品官車輿之飾與元同六年令大臣得用安車後廢不用景帝景泰四年令在京三品以

上得乘轎孝宗宏治七年令文武官得乘轎者以四人舁之其五府管事內外鎮守守備及公侯伯都督等無問老少皆不乘轎

主妃命婦等車

宋

遼

金

明

宋皇太子妃有厭翟車駕以三馬內外命婦之車銀裝白藤輿檐內命婦皇親所乘白藤輿檐金銅犢車漆犢車或覆以氈或覆以椶內外命婦通乘

遼青輿車二螭頭蓋部皆飾以銀駕用駝公主下嫁以

賜之送終車車樓純飾以錦螭頭以銀下懸鐸後垂大
纛駕以牛上載一羊謂之祭羊以擬送終之用亦賜公
主

金章宗明昌元年定妃嬪車同鍍金鳳頭黃結御妻
世婦同間金鳳頭梅紅結子

明皇妃車曰鳳轎與歷代異名其制青頂上抹金銅珠
頂四角抹金銅飛鳳各一垂銀香圓寶蓋并綵結轎身
紅髹木匡三面篋織紋簾繪以翟文抹金銅鈸花葉片

裝釘紅髻攔飾以抹金銅鳳頭鳳尾青銷金羅緣邊紅
簾并看帶內紅交牀并坐踏褥紅銷金羅轎衣一頂用
銷金寶珠文瀝水香草文看帶并幃皆鳳文紅油絹雨
轎衣一東宮妃車亦曰鳳轎小轎制同皇妃親王妃車
亦曰鳳轎小轎制俱同東宮妃唯鳳轎衣用木紅平羅
小轎衣二一用礬紅素紵絲一用木紅平羅公主車初
沿宋制用厭翟車後定制用鳳轎如親王妃郡王妃郡
主俱用翟轎與皇妃鳳轎同第易鳳為翟

欽定續通典卷六十三

欽定四庫全書

欽定續通典卷六十四

禮嘉

輦輿

宋

遼

金

元

明

宋太祖建隆四年翰林學士承旨陶穀為禮儀使創意
造為大輦赤質正方油畫金塗銀葉龍鳳裝其上四面
行龍雲氣火珠方鑑銀絲囊網朱翠結條雲龍鈿窠霞
子四角龍頭銜香囊頂輪施耀葉中有銀蓮花坐龍紅

綾裏碧牙厭帖內設圓鑑銀絲香囊銀飾勾欄臺坐紅
絲條網帳鍤中施黃褥上置御坐扶几香爐錦結綬几
衣輪衣絡帶並緋繡壓金銀綫長竿四銀裏鐵鈎龍頭
魚鈎錦膊褥銀裝畫梯拓义黃羅緣席褥帔梯杖褥朱
索緋繒油帔主輦六十四人親祀南郊謁太廟還及具
鸞駕黃麾仗省方還都則乘之真宗東封以舊輦太重
遂命別造凡減七百餘斤後常用焉神宗已後稍更其
制祀畢車駕還內若不進輅則進大輦徽宗政和之制

黃質冒以黃衣紘以黃帶車箱四圍於程之外高二尺二寸設軾於前楹高三尺二寸建大旂於後楹旂十二旒其長曳地其色黃繪以交龍日月中興後更製名大安輦

宋輦有七中興後惟存大輦平頭道遙而已

赤質正方高十五尺三寸

方十一尺六寸四柱平繫上覆青綠錦上有天輪二層外施金塗銀博山八十一內有圓鏡金塗銀頂龍一四面行龍十六火珠四輪衣以青陸以金鈴頂有青羅十字分垂四角曰絡帶四角出龍首銜犂牛五色尾曰旒

綏四面拱斗外施方鏡九柱圍以朱闌中設御坐曲几
屏風錦褥下舉以長竿四攢竹筋膠丹漆之竿為龍首
平槃下四圍結紅絲網輦官服色武弁黃纈對鳳龍袍
黃絹勒帛紫生色袒帶紫絹行膝芳亭輦黑質頂如幕
屋緋羅衣裙襴絡帶皆繡雲鳳兩面朱綠牕花版外施
紅絲網金銅帔鍔前後垂簾下設牙牀勾欄長竿四銀
龍頭銀飾梯行馬主輦一百二十人政和之制簾以紅
羅繡鵝為額內設御坐長竿飾以金塗銅螭首橫竿二

鳳輦赤質頂輪下有二柱緋羅輪衣絡帶門簾皆繡雲
鳳頂有金鳳一兩壁刻畫龜文金鳳翅前有軾匱香爐
香寶結帶下有勾闌二重內設紅錦褥長竿三銀飾梯
行馬主輦八十人法駕鹵簿不設逍遙輦以梭櫓為屋
赤質金塗銀裝朱漆扶版二雲版一長竿二飾以金塗
銀龍頭常行幸所御魚鈎帔鍔梅紅條輦官十二人春
夏服緋羅衫秋冬服白師子錦襖真宗東封別造辟塵
逍遙輦加牕榻黃繒為裏賜名省方逍遙輦中興之制

赤質金塗四柱椽屋上有走脊金龍四中起火珠凸頂
四面不設襯板中有脚踏子制甚簡素祇應人員服帽
子宜男方勝纈衫平輦又名平頭輦亦曰太平輦制如
逍遙輦而無屋輦官十二人服同逍遙輦東封別造升
山天平輦施機闕賜名登封輦中興之制赤質正方形
如一朱龍椅而加長竿二飾如逍遙輦而不施椽屋制
尤簡素惟施畫雲板而已又有七寶輦孝宗隆興二年
為德壽宮製高五十一寸闊二十七寸深三十六寸比

附大輦平輦制度為之上施頂輪耀葉角龍頂龍滴子
鐸子結穗毬下施梅紅絲裙網加綴七寶中設香水御
座引手為轉身龍靠背為龍首靠杵子綫以紅黃藤昇
以長竿二竿首為螭首金塗銀飾馬小輿赤質頂輪下
施曲柄加蓋緋繡輪衣絡帶制如鳳輦而小下有勾欄
牙牀繡瀝水中設方牀緋繡羅衣錦褥上有小案坐牀
皆繡衣踏牀緋衣前後長竿二銀飾梯行馬奉輿二十
四人中輿後去其輪蓋方四十九寸高三十一寸輿上

周以勾欄施翟羽玉照子中為方牀三級上設御座曲几踏子曲柄緋羅繡蓋輿下紅絲結五色花裙網舉以長竿二竿為螭首宮殿從容所乘設鹵簿則陳之腰輿前後長竿各二金銅螭頭緋繡鳳裙欄上施錦褥別設小牀緋繡花龍衣奉輿十六人中輿制赤質方形四面曲闌下結繡裙網制如小輿惟無翟尾玉照子三級牀曲柄蓋而上設方御牀曲几竿無螭首用亦同小輿相風烏輿上載長竿竿杪刻木為烏垂鵝毛簷紅綬帶下

承以小盤周以緋裙繡烏形輿士四人行漏輿制同鐘鼓樓輿而大設刻漏如稱衡首垂銅鉢末有銅象漆匱貯水渴烏注水入鉢中長竿四輿士六十人十二神輿赤質四門旁刻十二辰神緋繡輪衣絡帶輿士十二人交龍鉦鼓輿各一皆刻木為二青龍相交下有木臺長竿一掛畫鼓一掛金鉦上皆有緋蓋亦繡交龍輿士各二人鐘鼓樓輿各一皆刻木為屋中置鐘鼓下施木臺長竿如鉦鼓輿輿士各二十四人其自行漏輿以下舊

禮無文皆開寶定禮所增中興後相風行漏十二神鉦鼓四輿皆不設其皇太后皇后所乘則有龍輿龍肩輿東都皇太后垂簾皆抑損遠嫌不肯乘輦止用輿而已

真宗咸平中為萬安太后製輿上設行龍六乾興元年詔皇太后御坐檐子名大安輦神宗嗣位尊皇太后為太皇太后其行幸依治平元年之制而皇太后皇太后常止用副金塗銅裝白藤輿覆以椶櫚屋飾以鳳輦官服同乘輿平頭輦之制於是詔太皇太后出入所乘如萬安太后輿上設行龍六哲宗紹聖元年議造皇太后大安輦而皇太后避嫌竟不製造又哲宗嗣位尊朱貴妃為皇太妃出入乘檐子有司請用牙魚鳳為飾織用青元祐三年太皇太后詔有司尋緋輿故於是檐子飾以龍鳳織用紅九年羣臣議改檐子為輿上設行龍五哲

宗以皇太后諭旨令太妃坐六龍輿出入進黃織於見
三省議皇太妃坐龍鳳輿織紅黃兼用從皇太后出入

止用紅

紹興奉迎皇太后詔造龍輿其制朱質正方金塗

銀飾四竿竿頭螭首赭窻紅簾上覆以梭加走龍六內
設黃花羅帳裯褥朱椅踏子紅羅黃羅繡巾二龍肩輿
一名梭檐子一名龍檐子舁以二竿故名檐子南渡後
所製也東都皇后備厭翟車常乘則白藤輿中輿以太
后用龍輿后惟用檐子其制方質梭頂施走脊龍四走
脊雲子六朱漆紅黃藤織白花龍為障緋門簾看窻簾

朱漆藤坐椅踏子紅羅裯褥軟屏夾幔

遼國輿有大輿柴冊再生儀載神主臘儀見皇帝皇后
升輿降輿祭山儀皇帝降輿祭東而其制不詳其漢輿
有大鳳輦赤質頂有金鳳壁畫雲氣金翅前有軾下有
勾欄絡帶皆繡雲龍銀梯主輦八十人芳亭輦黑質幕
屋緋欄皆繡雲鳳朱綠夾牕花板紅網兩簾四竿銀飾
梯主輦百二十人逍遙輦常用之梭屋赤質金塗銀裝
紅條輦官十二人春夏緋衫秋冬素錦服平頭輦常行

用之制如逍遙

冊承天太后儀
太后乘平頭輦

無屋又有大芳輦仙遊

輦小輦

永壽節儀皇
太后乘小輦

大玉輦小玉輦腰輿前後長竿各

二金銀螭頭緋繡鳳欄上施錦褥別設小牀奉輿十六
人小輿赤質青頂曲柄緋繡絡帶制如鳳輦而小上有
御座奉輿二十四人

金大輦赤質正方油畫金塗銀葉龍鳳裝其上四面施
行龍雲朶火珠方鑑銀絲囊網珠翠結雲龍鈿窠霞子
四角龍頭銜香囊頂輪施耀葉中有銀蓮花坐龍紅綾

裏碧牙壓帖內設圓鑑香囊銀輪勾欄臺坐紫絲條網
帡鍔中施黃褥上置御座曲几香爐錦結綬几衣輪衣
絡帶並緋繡雲龍寶相花金綫壓長竿四飾以金塗銀
龍頭畫梯托义行馬七寶輦制如大輦飾以玉裙網七
寶滴子用真珠皇后有平頭輦五華輦亭頭輦各高一
丈九尺廣丈五寸長三丈昇士各九十六人並生色緋
寶相花衫銀褐抹帶大口袴

元腰輿制以香木後背作山字牙嵌七寶裝雲龍屏風

上施金圈燭明珠兩旁引手屏風下施雕鏤雲龍牀坐
前有踏牀鳴達爾錦褥一

鳴達爾蒙古語表也

坐上貂鼠緣金錦

條褥綠鳴達爾方坐象轎駕以象凡巡幸則御之

明大馬輦高一丈二尺五寸九分廣八尺九寸五分轆
長二丈五寸有奇輦坐高三尺四寸有奇餘同大輅輦
亭高六尺四寸有奇紅髹四柱長五尺四寸有奇檻座
高與輅同四周紅髹條環板前左右有門高五尺有奇
廣二尺四寸有奇門旁榻各二後榻三及明杌皆紅髹

抹金銅釵花葉片裝釘榻心編以黃線條亭內制與大輅同第軟坐上不用花毯而用紅毯亭外用紅簾十二扇輦頂并圓盤高二尺六寸有奇上下俱紅髹以青飾輦蓋其銅龍蓮座寶蓋黃屋及天輪輦亭悉與大輅同大常旂踏梯行馬之屬亦同大輅駕以八馬備鞍韉鞦轡鈴纓之飾小馬輦視大馬輦高廣皆減一尺轅長一丈九尺有奇餘同大馬輦輦亭高五尺五寸有奇紅髹四柱長五尺四寸有奇檻座紅髹四周條環板前左右

有門高五尺廣二尺二寸有奇門旁榻各二及明杌後
屏風壁板俱紅髹用抹金銅釵花葉片裝釘亭底紅髹
上施紅花毯紅錦褥席外用紅簾四扇駕以四馬餘同
大馬輦步輦高一丈二尺二寸有奇廣八尺二寸有奇
輦坐高三尺二寸有奇四周雕木五彩雲澤貼花龍板
十二片間以渾貼金仰覆蓮座下雕木線金五彩雲板
十二片轆四紅髹中二轆長三丈五尺九寸左右二轆
長二丈九尺五寸有奇俱以鍍金銅龍頭龍尾裝釘輦

欽定四庫全書

欽定四庫全書
卷六十四

九

亭高六尺三寸有奇四柱長六尺二寸有奇檻座紅髹
四周雕木沉香色描金香草板十二片抹金銅釵花葉
片裝釘前左右有門高五尺七寸有奇廣二尺四寸有
奇門旁紅髹十字榻各二雕飾沉香色描金雲龍板八
片下雲板如其數後紅髹屏風上雕沉香色描金雲龍
五屏後雕沉香色描金雲龍板三片又雲板如其數俱
用抹金銅釵花葉片裝釘餘同馬輦唯紅簾用十扇輦
頂并圓盤高二尺六寸有奇其蓮座輦蓋天輪幃衣之

屬俱同馬輦大涼步輦高一丈二尺五寸有奇廣一丈二尺五寸有奇四面紅髹匡裝雕木五彩雲板二十片間以貼金仰覆蓮座下紅髹如意條環板如其數紅髹轆六中二轆長四丈三尺五寸有奇左右二轆長四丈有奇外二轆長三丈六尺五寸有奇前後俱飾以雕木貼金龍頭龍尾輦亭高六尺五寸有奇廣八尺五寸有奇四柱紅髹前左右有門高五尺八寸有奇廣二尺五寸有奇四周描金香草板十二片門旁楬各二後楬三


及明欵皆紅髹編以黃線條亭底上施墊氈加紅錦褥并席紅髹坐椅一四周雕木沉香色描金寶相花靠背褥裙帷幔與馬輦同內設紅髹卓二紅髹闌干香卓一闌干四柱首俱雕木貼金蹲龍鍍金銅龍蓋香爐一并香匙箸瓶紅錦墩二外紅簾三輦頂高二尺七寸有奇鍍金銅寶珠頂帶仰覆蓮座高一尺三寸有奇垂攀頂黃綠圓條四頂用丹漆上冒紅氈四垂以黃氈為如意雲黃氈綠條四周施黃綺漚水三層每層百三十二摺

間繡五彩雲龍文或用大紅羅冒頂以黃羅為如意雲
緣條瀝水亦用黃羅頂下四周以紅氈為帷黃氈緣條
四角鍍金銅雲四亭內寶蓋繡五龍頂以紅髹木匡冒
以黃綺為黃屋頂心四周繡雲龍各一輦亭四角至輦
座用攀頂黃線圓條四并貼金木魚輦亭前左右轉角
闌干二扇後一字帶轉角闌干一扇皆紅髹雕木渾貼
金龍間以五彩雲板闌干內四周布席其闌干十二柱
之飾及踏梯之屬俱與馬輦同其紅板輻即古肩輿遺

制高六尺九寸有奇頂紅髹近頂裝圓匡蚰房窻鍍金
銅火燄寶帶仰覆蓮座四角鍍金銅雲朵轆扛二前後
以鍍金銅龍頭龍尾裝釘有黃絨墜角索四周紅髹板
左右門二用鍍金銅釘鉸轆內紅髹匡坐椅一福壽板
一并褥椅內黃織金綺靠坐褥四周椅裙下鋪席並踏
褥有黃絹轆衣油絹雨衣各一青氊衣紅氊緣條雲子

宋中興以後皇后常乘龍肩輿又以征伐道路險阻詔
百官乘轆名曰竹轆子亦曰竹輿元皇帝用象轆至用
紅板轆則自明始也世宗嘉靖十三年謁廟帝及后妃
俱乘肩輿出宮至奉天門降輿升輅穆宗隆慶四年設

郊祀慶成宴帝乘板輿由歸極
門出入皇極門至殿上降輿



欽定續通典卷六十四

欽定四庫全書

史部

欽定續通典卷六十五

詳校官監察御史臣曹錫寶

洗馬臣王坦修覆勘

校對官編修臣余集

謄錄監生臣楊廷煥

欽定四庫全書

欽定續通典卷六十五

禮嘉

鹵簿

旌旗附

五代

宋

遼

金

臣等謹按杜佑通典述嘉禮分旌旗鹵簿為兩門
雖本之開元禮然旌旗原屬於鹵簿事無二用若
分門別載勢不免互見複出體例未為完善考宋
綬鹵簿圖記車輅之等人物之列器用之宜旌麾

之制連類為圖次第明晰而鄭居中等所撰政和五禮新儀亦以鹵簿旌旗合載並加精審焉今參考宋遼金元明五朝史志詳述鹵簿即以旌旗附載於後庶幾義類貫通不致轆轤其一朝後先更制者仍每條分註以備參考云

梁太祖開平二年十一月南郊禮儀使奏皇帝赴南郊法駕鹵簿自清遊以下諸衛將軍平巾幘緋兩褱大口袴錦滕金帶刀弓箭欽飛執旗人引駕三衛並武弁緋

兩襠大口袴供奉官並武弁服色各一人步從餘文武
官及導駕士絳衣平巾幘餘並戎服近侍導駕官引車
從本縣令州府御史大夫即朝服各乘輅車前導其引
駕官員不總備車輅自中書令侍中以下則公服內諸

司使並常服

按五代鹵簿新舊五代史及通考皆
失載今據五代會要南郊禮補輯

宋鹵簿四等曰大駕曰法駕曰鸞駕曰黃麾仗大駕之
儀極盛郊祀耜田薦獻玉清景靈宮用之法駕減三分
之一泰山汾陰明堂用之鸞駕又減半謁陵封祀朝謁

太清奏告玉清宮用之黃麾仗又減於鸞駕親征御樓
省方還京六廟上冊用之太祖建隆四年將郊祀大禮
使范質與鹵簿使張昭儀仗使劉溫叟同詳定大駕鹵
簿之制禮儀使陶穀建議金吾及諸衛將軍導駕及押
仗舊服紫衣請依開元禮各服本色繡袍舊執仗軍士
悉衣五色畫衣隨人數給之以五行相生之色為次黑
衣先之青衣次之赤黃白又次之乾德三年蜀平命左
拾遺孫逢吉收蜀中法物其不中度者悉毀之是歲太

祖親閱鹵簿四年始改畫衣為繡衣至開寶三年成謂之繡衣鹵簿其後郊祀皆用之太宗至道中令有司以絹畫為圖凡三幅中幅車輅六引及導駕官外兩幅儀衛藏秘閣凡仗內自行事官排列職掌并捧日奉宸散手天武外步騎一萬九千一百九十八人真宗咸平五年詔南郊儀仗引駕官不得多帶從人大中祥符元年改小駕為鸞駕仁宗時宋綬定鹵簿為圖記凡大駕用二萬六十一人皇祐二年將享明堂鹵簿使奏法駕減

大駕三分之一詔禮官與兵部考正用萬有一千八十人嘉祐二年祫享用禮儀使奏南郊仗金吾上將軍六統軍左右千牛皆服紫繡戎服珂佩騎而前節度使亦衣袴褶導駕如舊例是月禮官奏南郊還禮當乘金輅而或詔乘大輦宜著為令常以大輦從神宗元豐元年更定大駕儀仗鹵簿仗仗下官一百四十六人執仗押引從軍員職掌諸軍諸司二萬二千二百二十一人徽宗政和四年禮制局言鹵簿六引儀仗信幡承以雙

龍惟乘輿器用並飾以龍今六引內係羣臣鹵簿而旗物通畫交龍非便釐正之政和七年兵部尚書蔣猷請取天聖鹵簿圖記更加考正高宗紹興十二年檢會舊儀始備黃麾仗慶冊親饗皆用焉孝宗隆興二年令有司條奏其可省者次年郊祀用六千八百八十九人明堂用三千三百十九人乾道六年郊祀備五輅大安輦六象人數如舊自後無所改革云

臣等謹按宋史至道政和紹興皆有鹵簿之制至

道初得唐長興南郊鹵簿字圖規模草創制多濶
畧南渡後禮儀失墜務為簡省其見於國史會要
諸書者較承平時未及其半獨政和所定則自元
豐以來置立詳定禮文所議禮局考訂精審具文
最詳故具載之其法駕鹵簿與宣和沿革之制及
小駕屬車並附見焉

政和大駕鹵簿象六分左右次六引開封令開封牧大
司樂少傅御史大夫兵部尚書

各用本部鹵簿

次金吾肅親左

右阜燾各六

執托各一人

押衙四人

並騎

爆稍八

執各一人

本衛

上將軍將軍各四人本衛大將軍二人

並騎

爆稍四夾大

將軍

執各一人夾二人並騎減二本衛上將軍將軍各減三人

法駕爆稍

次朱雀旗隊

並騎金吾衛折衝都尉一人引隊爆稍二夾都尉

執旗一人引夾

各二人凡仗內引夾執人數準此

弩四弓矢十六稍二十左右金吾衛

果毅都尉二人押隊

法駕弩減二弓矢減六稍減八宣和引隊改天武都指揮使押隊改

天武指揮使

次龍旗隊大將軍一人檢校騎引旗十二人

並騎

風伯雨師雷公電母旗各一五星旗五左右攝提旗二

欽定四庫全書

欽定續通典

卷六十五

五

北斗旗一護旗十二人副竿二

執人並騎法駕引旗護旗人各喊四宣和檢

校改左右衛大將軍雷公電母旗去公母二字次指南車記里鼓車各一駕馬

各四駕士各三十人白鷺車鸞旗車崇德車皮軒車各

一駕士各十八人

法駕無白鷺崇德宣和有青旌青雀鳴鳶飛鴻虎皮鸞毼六車在記里鼓

之下崇德之前喊白鷺鸞旗皮軒三車駕士之數如前

次金吾引駕騎本衛果毅

都尉二人儀刀弩弓矢稍各八

法駕儀刀弩弓矢稍各喊二宣和改都尉為神

勇都指揮使

次大晟府前部鼓吹令二人府史四人

按通考作府史

二管轄指揮使二人柶鼓金鉦各十二

帥兵官八人領大鼓一

百二十帥兵官二長鳴一百二十帥兵官六人領鈇鼓十二帥兵

官四歌工拱宸管簫笳各二十四大橫吹一百二十帥兵

官十節鼓二笛簫臧篥笳桃皮臧篥各二十四捫鼓金

鈇各十二帥兵官四人領小鼓中鳴各一百二十帥兵官八人領羽葆

鼓十二帥兵官四人領歌工拱宸管簫笳各二十四法駕前後

各減四大鼓減四十長鳴減四十鈇鼓減四拱宸管後

簫笳各減八大橫吹減四十節鼓後笛簫臧篥笳桃皮

臧篥各減八小鼓中鳴各減四十羽葆鼓減次太史相

四最後簫笳各減八帥兵官共減十八人風行漏等輿太史令及令史各一人並相風烏輿一士

四人交龍鉦鼓各一

與士各六人

司辰典事各一人

並騎漏刻生

四人鼓樓鐘樓行漏與各一

與士各一百人

太史正一人清道

二人十二神輿一

與士十四人各四十人

神輿一與士多大駕二人

宣和鼓鐘樓並改為興太史正前有捧日副次持鉞前

指揮使二人捧日節級十人

神輿與士增十

次持鉞前

隊左右武衛果毅都尉二人引隊左右武衛校尉二人

絳引旛一

絳二人

左右有金節十二

執人並騎

單單各一朱雀

幢導蓋青龍白虎幢各一

又三執人並騎

隊長一人鉞戟二

百八十人左右武衛將軍二人檢校左右武衛校尉四

人押隊

法駕金節減四鉞戟減七十二宣和引隊改駢騎都指揮使武衛校尉改駢騎軍使增朱雀幢

後之又一去龍虎幢後之又三檢校改用左右駢騎將軍

次黃麾幡一

執一人騎紵二人法駕

前有殿中侍御史二員

次六軍儀仗左右神武軍左右羽林軍左

右龍武軍各有統軍二人都頭二人

羽林又有節級二人

押仗本

軍旗各一排闌旗各二十吏兵力士旗各五掩尾天馬

旗二

羽林有赤豹黃熊旗龍武有龍君虎君旗各一

白柯槍五十哥舒棒十鐙

仗八

法駕神武軍減排闌旗十羽林龍武軍各減四吏兵力士旗減一宣和統軍改將軍神武軍旗改熊

虎排闌旗改平列哥舒棒改戈戟鐙仗改矛戟羽林隊無節級黃熊改黃羆龍武旗改熊虎

次引駕

旗天王旗二排仗通直官二人押旗十二辰旗各一法駕

同次龍墀旗天下太平旗一排仗大將二人夾騎五方

龍旗各一金鸞金鳳旗各一獅子旗二君王萬歲旗一

日月旗各一法駕喊鸞鳳獅子旗次御馬二十四控馬每匹天武

二人御馬直二人為十二重法駕減八為八重宣和御馬直改為習馭次中

道隊大將軍一人檢校法駕同宣和大將軍改左右驍衛大將軍次日月合

壁旗一莒文旗二五星連珠旗一祥雲旗二長壽幢二

宣和莒文改慶雲祥雲改祥光次金吾牙門旗四監門校尉六人次金

吾細仗青龍白虎旗各一五獄神旗五方神旗五方龍

旗五方鳳旗各五

以上執各一人糾各三人方龍鳳旗各減二宣和改校尉為使

法駕五

臣五獄神旗去神字

次八寶鎮國神寶皇帝之寶皇帝行寶皇帝

信寶在左受命寶天子之寶天子行寶天子信寶在右

為四重香案八各以二列於寶輿之前碧欄二十四人

符寶郎行於碧欄之間

法駕減碧欄八人宣和增引寶職掌二人香案職掌六人援衛

傳唱親從一百人奉寶華官每寶二十八人節級一人奉寶一十二人舁香案行馬執燭籠各四人持席褥油

衣共三人香案寶輿各九燭籠二十六碧欄之數同前

次方纛二大雉尾扇四夾

執繖扇各一人以
下准此法駕同

次金吾四色官六人押仗二人

法駕減押

仗

次金甲二人

宣和改銅甲

次太僕寺進馬四人

並騎

次引駕

千牛衛上將軍一人千牛八人中郎將二人

並乘珂馬

千牛

二人

並騎宣和引駕改千牛衛大將軍中郎將改為捧日都虞候

次長史二人

並騎宣

和無次金吾引駕官四人

並騎

次導駕官

執政以上從六人待制諫議防禦使

以上五人監察御史刺史諸衛將軍以上四人

次繖扇輿輦大繖二中雉尾扇

四夾腰輿一小雉尾扇四夾

應奉一人十將將虞候節級二人長行十六人排列

官二 中雉尾扇十二華蓋二

執各一人 香鐙一 執擎 小輿一

應奉人逍遙平輦
下長行二十四人
逍遙子一
應奉人十將將虞候節級共九人長行二十六人

平輦一

應奉人員七人餘同上
法駕排列官後中雉尾扇減四宣和去小雉尾扇四腰輿一管押人

員二人都將四人食押小輿排列官二人小輿一奉輿
二十四人都將九人逍遙子改為逍遙輦奉輦一十六
人平輦一奉輦人同上後有上輦奉御二人騎小輿次
前又有大路一駕馬六太僕卿御駕士一百二十人

駕前東第五班開道旗一皂纛十二引駕六十二人鈞

容直三百人

引駕回作樂

五方色龍旗五門旗四十御龍四

直步執門旗六十天武駕頭下一十二人茶酒班執從
物十一人御龍直仗劒六人天武把行門八人麋旗一

殿前班擊鞭十人簇輦龍旗八日月麟鳳旗四青白赤黑龍旗各一御龍直四十人踏路馬二夾輅大將軍二

人進輅職掌二人部押二人教馬官二人

法駕同宣和無鈞容直開

道旗內增押班一人殿侍二人阜纛旗十二殿侍十二人引駕二人長行六十人五方色吉字旗殿侍三人管押十人門旗殿侍二人管押四十人又八門旗六十御龍直一十二人骨朶直十二人御龍弓箭箭直弩直各十八人御龍直仗劍六人執麋旗殿侍二人管押龍旗二人部知副都知各一人執骨朶殿侍十六人內大將軍改為千牛衛大將軍朝服陪乘掌輦四人皇帝乘玉輅駕青馬六將軍二人朝服陪乘掌輦四人

駕士一百二十八人扶駕八人骨朶直一百三十四人

行門三十五人分左右陪乘將軍二人

法駕同宣和駕士增為二百三

十四人次奉宸隊御龍直左廂骨朶子直右廂弓箭直弩

直御龍四直並以逐班直所管人數列為五重天武骨

朶大劒三百一十人次駕後東第五班大黃龍旗一鈞

容直三十一人扇篋下天武二十人茶酒班簇輦三十

一人招箭班三十三人

法駕同宣和止用黃龍旗餘並無

次副玉輦一

駕青馬六駕士四十人

法駕無宣和駕士一百人內人員二人

次大輦一

掌輦四人應奉人員十二人十將將虞候節級共十人

長行三百五十五人尚輦奉御二人殿中少監供奉職

官二人令史四人書令史四人

法駕同宣和增奉輦為九十人

次太僕

御馬二十四為十二重

法駕減八為八重宣和無太僕

次持鋌後隊左

右武衛旅帥二人

法駕同宣和改為神勇都指揮使

次重輪旗二大繖

二大雉尾扇四小雉尾扇朱團扇各十二華蓋二义二

睥睨稍十二御刀六真武幢一义一絳麾二細稍十二

法駕小雉尾扇朱團扇睥睨稍各減四華蓋減一御刀減二宣和真武幢改為元武幢

次左右金

吾衛果毅都尉二人

並

總領大角一百二十

法駕減四十宣和改

都尉為駢騎
都指揮使

次大晟府後部鼓吹丞二人典事四人管

轄指揮使一人羽葆鼓十二

帥兵官
四人領

歌工拱宸管簫茄

各二十四

帥兵官
二人領

鈇鼓十二

帥兵官
四人領

歌工簫茄各二十

四小橫吹一百二十

帥兵官
八人領

笛簫感篋茄桃皮感篋各

二十四

法駕羽葆鼓減四小橫吹減四十
八鈇鼓減四小橫吹減四十
帥兵官並減二人

宣和帥兵官改為天武
神勇宣武虎翼四都頭

次黃麾幡一

執紼人數同前部
法駕亦同有殿

中侍御
史二人

芳亭輦一

奉輦六
十人

鳳輦一

奉輦五十人
去鳳輦宣和芳亭奉

輦六十
二人

次金象輦木四輅並有副輅金輅踏路赤馬二

正副各駕赤馬六駕士六十人餘輅正副駕馬數同而色異象輅以赭白革輅以騮木輅以黑駕士各四十人

法駕副輅宣和駕馬之色又異金以騮象以赤革以赭白木以烏駕士正一百五十人副一百人管押人員各

二耕根車一駕青馬六駕士四十人法駕同宣和無進賢車一

駕士二十四人明遠車一駕士四人法駕無宣和次屬

車十二乘每乘駕牛三駕士十人法駕咸四乘宣和增衛官二人管押節級

一次門下中書秘書殿中四省局官各二人法駕同次黃

鉞車豹尾車各一各駕赤馬二駕士十五人法駕除進賢明遠車

外並同宣和有黃鉞天武副都頭及神勇副都頭各一

次掩後隊左右威衛折衝

都尉二人領隊大戟刀盾弓矢稍各五十

法駕各減十六宣和押隊

改用宣武都指揮使二人

次真武隊金吾衛折衝都尉一人爆稍二

仙童旗一真武旗一螭蛇神龜旗各一稍二十五弓矢

二十弩五

法駕稍減六弓矢減五弩減一宣和改為元武隊真武旗改元武旗又去仙童龜蛇旗改

都尉為虎翼都指揮使

其大駕外仗清游隊次第六引外仗白澤

旗二左右金吾衛折衝都尉二人弩八弓矢三十二稍

四十

法駕次第三引外仗弩減二弓矢減八稍減十宣和改都尉為捧日都指揮使

左右金吾

各十六騎帥兵官二人弩八弓矢稍各十二

法駕金吾騎及弓矢

稍各減四宣和改金吾為天武都頭

次飲飛隊左右金吾衛果毅都尉二

人分領

並騎

虞候飲飛四十八人

並騎

鐵甲飲飛二十四人

並甲騎法駕前減十八人後減八人宣和改金吾衛為拱聖都指揮使改都尉為都指揮使

次前隊

受仗左右領軍衛將軍二人檢校

並騎

爆稍四受又分五

隊第一百六十人第二八十人第三一百人第四第五

各八十人逐隊有帥兵官左右領軍衛左右威衛左右

武衛左右驍衛左右衛各四人

法駕受又第一隊減六十第二第三各減三十

第四第五各減二十宣和改檢校為左右衛將軍領軍
衛為天武都頭威衛為神勇都頭武衛為宣武都頭驍
衛為虎翼都頭受又第一隊減次後隊受仗受又分五
六十增第二隊至五隊為一百

隊第一第二各八十人第三一百人第四八十人第五

一百六十人帥兵官左右衛左右驍衛左右武衛左右

威衛左右領軍衛凡前後隊受仗前接中道北斗旗後

畫鹵簿後隊

法駕受又第一第二隊各減二十四第三
第四各減三十第五減六十宣和受又各

一百天武神勇宣
武虎翼廣勇都頭次前部馬隊凡十二皆以都尉二人

分領第一前左右金吾衛折衝領角亢斗牛宿旗四弩

十弓矢二十稍四十第二氐房女虛宿旗四第三心危
宿旗第四尾室宿旗各二以上四隊各以左右領軍衛
果毅領第五箕壁宿旗第六奎井宿旗各二各以左右
威衛折衝領第七婁鬼宿旗第八胃柳宿旗第九昂星
宿旗各二各以左右武衛果毅領第十畢張宿旗第十
一觜翼宿旗第十二參軫宿旗各二各以左右驍衛折

衝領弩弓矢稍人數同第一隊

法駕分二十八宿旗為
十隊逐隊弩減四弓矢

減六稍減二十宣和捧日拱聖神勇驍衛宣武五都指
揮使分領上十隊以虎翼廣勇都指揮使分領下二隊

按捧日等五指揮使宋史
訛五為四今據通考改正

次步甲前隊凡十二左右

領軍衛將軍二人檢校

並騎

爆稍四逐隊皆有都尉二人

分領第一第三各以左右領軍衛第五以左右威衛第

七以左右武衛第九以左右驍衛第十一以左右衛並

折衝第二第四各以左右領軍衛第六以左右威衛第

八以左右武衛第十以左右驍衛第十二以左右衛並

果毅內有鸛鶚玉馬三角獸黃鹿飛麟駃騠鸞麟馴象

玉兔辟邪等旗各二以序居都尉之後逐隊有弓矢刀

盾相間各六十人居旗之後

法駕止十隊每隊弓矢各減二十宣和檢校改左右

衛將軍又去懼稍分領並改為都指揮使第一第二並捧曰第三第四並天武第五第六並拱聖第七第八並

神勇第九驍騎第十宣武第十一虎翼第十二廣勇按宋制驍衛稱大將軍稱將軍都尉郎將若稱指揮稱

都頭者則驍騎也通考驍衛驍騎前後互異據此驍衛應是驍騎訛文

次前部黃麾仗絳

引幡二十下分六部第一左右威衛第二左右領軍衛

第三左右威衛第四左右武衛第五左右驍衛第六左

右衛諸部各有殿中侍御史二人本衛大將軍二人檢

校本衛折衝都尉二人分領又各有帥兵官二十人龍

頭竿六重重各二十揭鼓三重重各二儀鎗五色幡小

戟稍各一重重各二十弓矢三重重各二十朱綠滕絡

盾并刀二重重各二十

法駕止五部絳引幡帥兵官龍頭竿幡戟弓矢盾刀稍並減六

宣和六部駢衛武衛屯衛領軍衛監門衛千牛衛皆左右上將軍天武神勇宣武虎翼廣勇皆都指揮都頭逐部上將軍都頭各一人次青龍白虎旗各一左右衛果毅都尉二

人分押旗及領後七十騎弩八弓矢二十二十二稍四十法駕

減後騎三十弩減二弓矢減八稍減二十宣和改都尉為虎翼都指揮使次班劍儀刀隊並騎

左右衛將軍二人分領郎將二十四人左右親衛勳衛

各四人每衛班劍二百二十人諸翊衛左右衛六人領

儀刀四百八人左右翊衛二人領儀刀一百三十六人

左右武衛威衛領軍衛金吾衛各二

法駕親勳衛班劍減八十四人翊衛

儀刀減一百三十二人增左右翊衛四人班劍儀刀九十二人宣和分領改左右武衛將軍及捧日天武指揮

四人拱聖六人神勇翊衛勝宣武虎翼指揮使各二人次親勳散手翊衛翊衛隊

並騎左右衛供奉中郎將四人分領親勳翊衛四十八人

左右衛郎將二人分領散手翊衛六十人左右翊衛郎

將二人分領翊衛翊衛五十六人

法駕親勳減十六人散手翊衛各減二十

人宣和改為中衛翊衛親衛隊中衛郎四人分領衛兵
四十八人翊衛郎二人分領衛兵六十人親衛郎二人
分領衛兵次左右驍衛翊衛三隊並各有二人分領第

一本衛大將軍第二本衛將軍第三本衛郎將花鳳飛

黃吉利旗各二分為三隊逐隊弩十弓矢二十稍四十

法駕弩減四弓矢稍各減半宣和分領第一第二隊左
右驍衛大將軍將軍第三廣勇指揮使改花鳳旗為雙

旗次夾轂隊凡六逐隊都尉二人檢校第一第四左右

折衝第二第三第五第六並左右衛果毅逐隊刀盾各

六十人內第一第四有寶符旗二

法駕各減刀盾二十
宣和檢校改為捧日

天武拱聖
三指揮使

次捧日隊逐隊引一人押二人長行殿侍二

十八人旗頭三人槍手五人弓箭手二十人左右廂天

武約欄各一百五十五人

法駕同

次後部黃麾仗分六部

左右衛左右驍衛左右武衛左右威衛左右領軍衛左

右武衛部內殿中侍御史大將軍都尉帥兵官絳引幡

龍頭竿等並同前部

法駕減第六部絳引幡減六宣和
六部第一改為左右驍衛大將軍

自二至六改為天武神勇
宣武虎翼廣勇五指揮

次步甲後隊凡十二皆有都

尉二人分領第一以左右衛第三以左右驍衛第五以

左右武衛第七以左右威衛第九第十一各以左右領
軍衛以上並果毅第二以左右衛第四以左右驍衛第
六以左右武衛第八以左右威衛第十第十二各以左
右領軍衛以上並折衝內有貌鶚雞仙鹿金鸚鵡瑞麥
孔雀野馬犛牛甘露網子祥光翔鶴等旗各二以序居
都尉之後逐隊有弓矢刀盾相間各六十人居旗之後
法駕止十隊宣和自第七隊以下分領改用都指揮使
七八並神勇九驍騎十宣武十一虎翼十二廣勇旗亦
改其半七天正光瑞八日有戴次後部馬隊凡十二皆
承十翔鶴十一紅光十二文石

以都尉二人分領第一第二各以左右衛第五第六第七各以左右武衛第十第十一第十二各以左右領軍衛並折衝第三第四各以左右驍衛第八第九各以左右威衛並果毅內有角觶赤熊兕天下太平馴犀鷄鶡驪騶駟牙蒼烏白狼龍馬金牛等旗各二以序居都尉之後每隊弩十弓矢二十稍四十

法駕止十隊弩減四弓矢減六稍減十二

宣和改都尉為指揮使一二並以捧日三四並以天武五六並以拱聖七八並以神勇九以驍騎十以宣武十一以虎翼十二以廣勇內六有芝禾並秀旗七有萬年連理木旗

以上鹵簿凡門有六

中道門二第一門居日月合璧等旗之後

法駕居龍
坪旗之後

第

二門居掩後隊之後

法駕同各有金吾牙門
旗四監門校尉六人

左右道門

四第一居步甲前隊第六隊之後第二居十二隊之後

第三居夾轂隊之後第四居步甲後隊第六隊之後

法駕

同各有監門校尉四人宣和改校尉為使臣
按中道門二各有金吾牙門旗四則左右通門四亦當各有金
吾牙門旗二後牙門旗一條左右門各
門二旗可互證也此處或宋史脫誤

其小駕減大駕

六引及象木革輅五副輅小輿小輦又減指南記里白

鷺鷥旗崇德皮軒耕根進賢明遠黃鉞豹尾屬車等十

一餘並減大駕之半屬車黑質兩箱輦裝前有曲欄金銅飾上施紫通幃絡帶門簾皆繡雲鶴紫絲網帟鍤並因唐大駕之制

宋旌旗之制太祖創製錯繡諸旗著於通禮其殿廷立仗旌旗正至五月一日御正殿設青龍白虎旗各一五嶽旗五五星旗五五方龍旗二十五五方鳳旗二十五紅門神旗二十八朱雀真武旗各一皂纛十二各分左右

以上金吾

天一太一旗各一攝提旗二五辰旗五北斗旗

一木火北斗在左
金水土在右

二十八宿旗各一

角宿至壁宿在左
奎宿至軫宿在右

風伯雨師旗各一白澤馴象仙鹿玉兔馴犀金鸚鵡瑞

麥孔雀野馬犂牛旗各二日月合璧旗一五星連珠旗

一雷公電母旗各一軍公旗六黃鹿飛麟兕駟牙白狼

蒼烏辟邪網子貔旗各二信幡二十二傳教告止幡各

十二黃麾二各分左右

以上兵部

日旗月旗各一君王萬歲

旗一天下太平旗一獅子旗二金鸞金鳳旗各一五方

龍旗各一

青赤在左黃白黑在右

龍君虎君旗各一赤豹黃

羅旗各五小黃龍旗一天馬旗一吏兵力士旗各五天
王旗四太歲旗十二天馬旗六排攔旗六十左右幡
各五行行七十五大黃龍旗二大神旗六各分左右

以上

六凡旗皆錯采為之漆竿銳首纛頭錦帶腰火燄脚白

澤攝提金鸞金鳳獅子莖文天下太平君王萬歲仙童
騰蛇神龜及在步甲前後隊後馬隊三隊六軍儀仗內
並以赤日月及合璧連珠風雨雷電五星二十八宿祥
雲並以青北斗以黑五嶽四瀆五方四神十二辰五龍

五鳳龍虎君並以方色天王以赤黃二色排攔以黃紫赤三色其牙門旗赤質錯采為神人象中道前後各一

門左右道五門

按門有六前有中道門二即此前後各一門也前言左右道門四而此言五門

恐即四門之說

門二旗蓋取周制樹旗表門及天子五門之制

神宗元豐元年詳定郊廟奉祀禮文所言鹵簿前用二十八宿五星攝提旗有司乃取方士之說繪畫人形及牛虎頭婦人小兒之類於禮無據伏請改製各著其象以則天文從之哲宗元符三年徽宗即位兵部侍郎黃

裳請製旗號曰寶符曰重輪曰祥光曰瑞鶴從之政和
中大祀饗立仗大黃龍負圓旗一執紵二百人陳於闕
廷赤龍旗南少西大黃龍旗之北大黃龍旗一執紵六
十人陳於宿頓宮門外宣德門次大黃龍負圓旗之南
正至受朝同龍墀旗陳於殿庭太廟在西櫺星門外路
南次赤龍旗少北青城在泰禋門外夏祭大禮在明禋
門外赤龍旗之南

宗祀祫饗大禮不設大黃龍負圓旗大黃龍旗

大神旗六執

紵各九十人宣德門泰禋門並陳於大黃龍旗之南東

西相望太廟陳於西櫺星門外大黃龍旗之西少南視
赤龍旗為列南北相望龍墀旗執紼各十二人左右有
日月旗各一次君王萬歲旗一宣德門太裡門在路東
太廟在門外路南次獅子旗二左右有金鸞金鳳旗各
一次五方龍旗各一青黃赤龍旗宣德泰裡門在東太
廟在南黑白龍旗宣德泰裡門在西太廟在北次天下
太平旗一宣德泰裡門在路西太廟在路北其文德殿
發冊設日旗君王萬歲旗獅子旗金鸞旗青龍旗赤龍

旗各一在殿東階之東以西為上月旗天下太平旗獅子旗金鳳旗白龍旗黑龍旗各一在西階之西以東為上次皐纛旗一十二次青龍旗白虎旗次五方龍旗五方鳳旗次五嶽神旗次五星神旗次朱雀旗真武旗以上各分東西北向次紅門旗二十八分左右次寅卯辰巳午未旗六在東申酉戌亥子丑旗六在西天王旗四分左右夾辰旗次龍君赤豹吏兵旗各五每旗各為一列每列掩尾天馬旗一以次在東次虎君黃熊力士旗

各五每旗各為一列每列掩尾天馬旗一以次在西左
廂第一隊鵝雞白澤玉馬貌旗四瀆旗各一第二隊角
亢氏房心宿旗各一第三隊虛危室壁奎宿旗各一第
四隊參井鬼柳宿駃騠旗各一第五隊三角獸黃鹿芑
文馴象飛麟旗各一第六隊辟邪玉兔吉利仙鹿祥雲
旗各一第七隊花鳳飛黃野馬金鸚鵡瑞麥旗各一第
八隊孔雀兕甘露網子角觴旗各一並各為一列第九
隊犀牛旗一設於孔雀旗後右廂第一隊同左廂第二

隊尾箕斗牛女宿旗各一第三隊婁胃昂畢觜宿旗各

一第四隊星張翼軫駉驤旗各一第五隊至八隊並同

左廂第九隊騶牙旗蒼烏旗各二相間為一列

每旗執
搯三人

俱北向五色龍鳳旗之東西各設黃麾幡二次告止幡

傳教幡信幡各五次絳麾幡二次絳引幡五排攔旗三

十自黃麾幡東西排列以次於南

每旗執
搯三人

俱北向又於

騶牙旗南設大小黃龍旗各一

大黃龍旗在殿門裏少
西執搯二十人小黃龍

旗在大黃龍旗後
少西執搯三人

次大神旗六凡大朝會儀衛有司皆

依令式陳設四年禮制局言鹵簿大黃龍負圖旗畫八卦乞改畫九一三七二四六八五之數仙童綱子大神三旗無所經見乞除去從之初大觀三年西京潁陽縣大慶觀聖祖殿東有嘉禾芝草並生嘉禾一本四穗芝草葉圓而重起至是詔製芝禾並秀旗又以是年二月上生青赤黃戴氣日下生青赤黃承氣詔製日有戴承旗又以元符二年武夷君廟有仙鶴迎詔政和二年延福宮宴輔臣有羣鶴自西北來盤旋睿謨殿上及奏

大晟樂翔鶴屢至詔製瑞鶴旗八年禮部侍郎張邦昌奏太祖時甘露降於江陵者十日瑞麥秀於濮陽者六岐獲金鸚鵡於隴坻得三玉兔於鄆封馴象至而五嶺平瓊管奏而白鹿出皆命製為旗章陳之望詔有司取自崇觀至今凡中外所上瑞應悉掇其尤殊者增製旗物上以丕承天貺下以聳動民瞻從之初宋制旗物最盛中興後惟務簡約雖參用舊制然亦不無因革其太常青質夾羅幃繡日月星而無龍下有網鬚謂之第竿

頭為龍首銜青結綬垂青旒綏十二謂之旒蓋幅下無
旒而竿首垂旒抑又取古者注旒及涓於竿首之遺制
竿用桐木護以剖竹膠以髹飾以藻玉輅建之大旗黃
質九幅每幅繡升龍一側幅二下垂黃絲網綏九金輅
建之大赤朱質七幅每幅繡鳥隼二側幅如之下垂朱
絲網綏七象輅建之大白素質五幅每幅繡熊一虎一
側幅如之下垂淺黃絲網綏五革輅建之大麾阜質四
幅每幅繡五采龜蛇一側幅繡龜二下垂阜絲網綏四

木輅建之其黃龍負圖旗以百九十人維之其君王萬
歲天下太平日月五星北斗招搖青龍朱雀白虎元武
等旗以十七人維之其祥瑞旗八高宗紹興二十五年
所製是歲適當郊祀而太廟生靈芝九莖贛州進太平
瑞木餘若道州連理木遂寧府嘉禾鎮江府瑞瓜南安
軍雙蓮花嚴州兜率寺信州玉山芝草黎州甘露禮部
侍郎王珉等請並繪旗以紀盛美焉

遼國簿會同三年太宗在薊州觀導駕儀衛圖遂備法

駕幸燕自後御殿受朝賀以為常大同元年三月將幸中京鎮陽詔收鹵簿法物委所司押領先往未幾鎮陽入漢鹵簿法物隨世宗歸於上京穆宗應歷元年詔朝會用漢禮聖宗統和元年車駕還上京迎導儀衛如式四年燕京留守具儀衛導駕入京上御殿百僚朝賀其儀仗步行擎執二千四百一十二人坐馬執擎二百七十五人坐馬樂人二百七十三人步行教坊七十一人御馬牽攏官五十二人御馬二十六匹官僚馬牽攏官

六十六人坐馬挂甲人五百九十八人步行挂甲人一百六十人金甲二人神輿十二人長壽仙一人諸職官等三百五人內侍一人引稍押衙二人赤縣令一人府牧一人府吏二人少尹一人司錄一人功曹一人太常少卿一人丞一人博士一人司徒一人太僕卿一人鴻臚卿一人大理卿一人御史大夫一人侍御史二人殿中侍御史二人監察御史一人兵部尚書一人侍郎一人郎中一人員外郎一人符寶郎一人左右諸衛將軍

三十五人左右諸折衝二十一人左右諸果毅二十八

人尚乘奉御二人排仗承值二人左右夾騎二人都頭

六人主師十四人

教坊司差

押纛二人左右金吾四人虞候

飲飛十六人鼓吹令二人漏刻生二人押當官一人司

天監一人令史一人司辰一人統軍六人千牛備身二

人左右親勳二人左右即將四人左右拾遺二人左右

補闕二人起居舍人一人左右諫議大夫二人給事中

書舍人二人左右散騎常侍二人門下侍郎二人中書

侍郎二人鳴鞭二人

內侍

侍中一人中書令一人監門

校尉二人排列官二人武衛隊正一人隨駕諸司供奉

官三十人三班供奉官六十人通事舍人四人御史中

丞二人乘黃丞二人都尉一人太僕卿一人步行太僕

令一人職官乘馬三百四匹進馬四匹駕車馬二十八

匹人之數凡四千二百三十有九馬之數凡千五百二

十

天顯四年太宗幸遼陽府人皇王備乘輿衛以迎
乾亨五年聖宗東巡東京留守具儀衛迎車駕此故

渤海儀衛同于一時具載遼史今
統紀漢仗由簿儀注故從略云

遼國仗要尼末主遺制迎十二神纛天子旗鼓置太子
帳前諸弟羅格等叛允丹達實縱火焚行宮皇后命海
固勒叔之止得天子旗鼓太宗即位置旗鼓神纛於殿
前

金大駕鹵簿世宗大定三年裕享用黃麾仗三千人分
四節第一節無縣令府牧即用黃麾前三部次前部鼓
吹次金吾牙門旗次駕頭次引駕龍墀隊次天王十二
辰等旗第二節黃麾第四第五部次君王萬歲日月旗

次御馬內增控馬司圍挾馬司圍各一十六人

按控馬司圍挾

馬司圍舊俱作圍以義考之從圍為是大明集禮云宋會要天武一百五十人充圍子金集禮司圍四十人皆不注其義今按圍子即響節也今之司圍自是司響節者此明云控馬扶馬則司圍即圍人也不得以圍圍字形相近彼此牽混次日月合璧五星連珠等旗次八寶內增執

黑杖傳唱一十八人在香案前次七寶輦第三節黃麾後第一第二部次玉輅次栲栳隊次導駕門仗官第四節黃麾後第三第四第五部次金輅次牙門旗次後部鼓吹大定六年九月西京還都用黃麾仗二千五百四

十二人

攝官在內

騎七百六十二匹分四節第一節攝官五

十四人執擎三百二人樂工一百七十人第二節攝官

三十二人執擎三百七十六人第三節仗內攝官四十

四人導駕官四十二人門仗官一百人玉輅青馬八駕

士一百四十人護駕栲桵隊五百人執擎二百四十二

人第四節攝官五十人金輅赤馬八駕士九十四人控

鶴二十二人樂工八十四人執擎二百九十人大定十

一年將有事於南郊朝享太廟右丞石琚奏其禮上曰

前朝漢人祭天唯務整肅儀仗此自奉耳非敬天也朕謂祭天在誠不在儀仗之盛也其減半用之於是遂增

損黃麾仗為大駕鹵簿凡用七千人

攝官在內

分八節第一

節第一引七十人縣令第二引二百六十四人府牧第

三引二百二十九人御史大夫名色與府牧同頗損其

數而增行止旗一第二節金吾皐纛旗一十二人朱雀

隊三十四人指南記里鼓車皆五十二人鸞旗車一十

八人前部鼓吹一百二十九人清游隊七十二人內白

澤旗二旗五人

綠貝裝冠綠皮甲勒皮錦臂鞞橫刀引夾加弓矢綠皮馬甲包尾全折衝

都尉二人

黑平巾幘紫繡辟邪袍革帶銀褐大口袴錦膝蛇橫刀弓矢

弩六弓矢二

十四稍三十

並錦帽青繡寶相花衫革帶銀褐大口袴

飲飛隊四十八人內

果毅都尉二

黑平巾幘紫繡飛麟袍革帶銀褐大口袴錦膝蛇橫刀弓矢

虞候飲飛

三十人

鐵甲兜牟橫刀弓矢黑馬甲全

鐵甲飲飛一十六人

服執

前部

馬隊第一隊六十四人第二第三隊皆六十人第四第

五隊皆五十八人又又仗五十四人內帥兵官二人

黑平

巾幘緋寶相花衫革帶銀褐大口袴執儀刀

又又各二十六

五色寶相花衫抹額抹帶行膝

鞋行止旗一

緋繡寶相花衫抹額
銀褐抹帶大口袴

第三節前部鼓吹第

二三百六十九人前步甲隊第一至第五隊皆四十二人牙門旗二十人黃麾前第一部一百五十人第二部一百二十人又又仗五十八人行止旗一第四節黃麾幡三人六軍儀仗二百二十六人御馬三十三人黃麾前第三至第五部皆一百二十人青龍白虎隊五十二人又儀仗五十六人行止旗一第五節八寶二百三十人平頭輦三十人七寶輦四十二人班劔儀刀隊二

百人內將軍二人折衝都尉二人

平巾幘緋辟邪袍革帶銀褐大口袴錦膝

蛇執儀刀

班劔儀刀各九十八

並平巾幘緋繡寶相花衫革帶銀褐大口袴錦膝蛇執儀

刀驍衛翊衛隊六十人內供奉郎將二人

黑平巾幘緋繡瑞馬袍革

帶銀褐大口袴執儀刀

鳳旗二旗五人

服執如前

弩弓矢稍皆一十六

服如班劔儀刀

夾轂隊第一隊九十二人內折衝都尉二人

平巾

幘緋繡飛麟袍革帶銀褐大口袴執儀刀

寶符旗二旗五人朱鍔甲刀盾八

十朱甲錦臂鞬行膝鞋襪

第二隊八十二人內果毅都尉二人

白澤

袍飛黃旗二旗五人銀褐鍔甲刀盾七十第三隊八十

二人內果毅都尉二人

赤豹袍

吉利旗二旗五人阜鍪甲

刀盾七十又仗五十六人行止旗一第六節馬步門

旗隊一百人駕頭一十五人廣武官茶酒班執從物者

二十三人御龍直四十人

紅錦團襖
鍍金束帶

內人員二

阜帽三十八人

真珠頭巾

玉輅一百五十一人栲橈隊五百人內金槍隊一

百二十六人分左右人員十八

並鐵甲阜帽紅錦背子
執小旗馬甲紅錦包尾

長行一百八人

鐵甲兜牟紅錦背子
錦臂鎗甲馬紅錦包尾執金槍

銀槍隊一百

二十六人人員十八長行一百八人

服並如
上金槍

弓箭直步

隊一百二十四人人員四

鐵甲阜帽紅錦團花戰袍

長

行一百二十人

鐵笠紅錦團花戰袍鐵甲弓矢骨朵

骨朵直步隊一百二

十四人人員四長行一百二十人

服甲同上無弓矢

金吾牙門

旗二十人黃麾後第一部一百五十人第二部一百二

十人又又五十二人行止旗一第七節扇篋二十五人

金輅九十四人大安輦一百八十一人內尚輦奉御二

人殿中少監二人奉職官二人

並公服

令史四人書令史

四人

七人烏紵幘緋四襖素衫銀褐抹帶大口袴
卑韉一人長脚幘頭紫羅公服角帶皂韉

掌輦

四人

武弁黃繡實相花衫
銀褐抹帶大口袴

人員十二

卑帽紅錦團襖銅
束帶內指揮使一

人執銀

舁士一百五十一人

服同
掌輦

御馬三十三人持鉞

骨朵

隊三十九人後部鼓吹一百六十人黃麾後第三至第

五部皆一百二十人後步甲隊第一至第二隊皆四十

二人又仗五十六人行止旗一第八節後部鼓吹第

二一百四十人象輅革車木輅皆五十人進賢車二十

六人豹尾車一十八人屬車八十人元武隊六十一人

後步甲隊第三至第五隊皆四十二人金吾牙門旗二

十人後部馬隊第一隊七十六人第二隊六十四人第

三隊六十人受文仗六十人行止旗一

後分行旗止旗為二

金殿庭內仗旌旗面北第一行牙門旗八第二行

監門校尉

十二分左
右不列旗

第三行長壽幢一押旗大將軍一居中次東

五方龍旗十五次西五方鳳旗十五第四行自內而東

青龍旗五紅龍旗二十自內而西青龍旗五紅龍旗二

十第五行同上又君王萬歲旗一居中日旗一在左月

旗一在右第六行自內而東天下太平旗莖文旗日月

合璧旗莖文旗青龍旗赤龍旗河瀆旗江瀆旗各一未
午巳辰卯寅旗各一青天王旗白天王旗各一自內而
西祥雲旗五星連珠旗祥雲旗黃龍旗白龍旗黑龍旗
淮瀆旗濟瀆旗各一申酉戌亥子丑旗各一緋天王旗

阜天王旗各一

按東西旗皆兩兩相偶如莖文與祥雲
偶合璧與連珠偶龍旗則青與白偶赤

與黑偶瀆旗則河與淮偶江與濟偶此自內而西者以
祥雲旗居首則與東方旗參差不相偶矣或西之黃龍
與東之太平為偶或二旗俱設在中其餘以
次相偶俱不可知然無從查訂姑仍其舊

第七行自

內而東孔雀旗一蒼烏旗兕旗聲牛旗驪驪旗赤熊旗

白狼旗金鸚鵡旗馴犀旗角端旗鷄鵠旗騶牙旗野馬
旗瑞麥旗甘露旗各一自內而西者同 外仗

在門外
自一行

至四行列
仗無旗

左第五行每大旗一均用小紅龍旗二間之

角亢氏房心尾箕斗牛宿旗各三人均用二女宿旗一

三人龍旗并黃排攔旗各一

按此云龍旗右行云紅龍
彼此差互上文云每大旗

一均用小紅龍旗二間之此女宿旗亦當用紅龍旗蓋
每大旗居中各以一小紅龍夾之下之紅龍則夾女宿
者也黃排攔與下虛宿旗下黃排攔則夾虛宿旗
其紅排攔則與下紅排攔夾危宿旗餘並倣此 虛宿

旗一三人黃紅排攔旗二危宿旗一三人紅紫排攔旗

二室宿旗一三人紫黃排攔旗二壁宿旗一三人黃紅排攔旗二重輪旗一三人紅紫排攔旗二左攝提旗一三人紫黃排攔旗二青龍旗一三人黃紅排攔旗二木星旗一三人紅紫排攔旗二火星旗一三人紫黃排攔旗二土星旗一三人黃紅排攔旗二金星旗一三人紅紫排攔旗二水星旗一三人吏兵并紫排攔旗各一

按諸

排攔旗皆以二小旗夾一大旗以黃紅紅紫紫黃為次如上文云黃排攔者下則當云黃紅又次則云紅紫又次則云紫黃又次則云黃紅舊史頗為紊亂今悉正之右行倣此

北獄旗一三人吏兵

并龍君旗各一東嶽旗一三人龍君并黃熊旗各一中
嶽旗一三人黃熊并赤豹旗各一西嶽旗一三人赤豹
并力士旗各一南嶽旗一三人力士并虎君旗各一朱
雀旗一三人虎君并天馬旗各一右第五行奎婁胃昴
畢觜參井鬼宿旗各三人均用二旗如前柳宿旗一三
人紅龍并黃排攔旗各一星宿旗一三人黃紅排攔旗
二張宿旗一三人紅紫排攔旗二翼宿旗一三人紫黃
排攔旗二軫宿旗一三人黃紅排攔旗二重輪旗一三

人紅紫排攔旗二右攝提旗一三人紫黃排攔旗二白
虎旗一三人黃紅排攔旗二東方神旗一三人紅紫排
攔旗二南方神旗一三人紫黃排攔旗二中央神旗一
三人黃紅排攔旗二西方神旗一三人紅紫排攔旗二
北方神旗一三人力士并紫排攔旗各一風伯旗一三
人力士并虎君旗各一雨師旗一三人虎君并黃熊旗
二雷公旗一三人黃熊并赤豹旗二電母旗一三人赤
豹并吏兵旗二北斗旗一三人吏兵并龍君旗二元武

旗一三人龍君并天馬旗二

三人執一旗者重立二人執小旗者亦重立

黃麾內仗面北第一行長壽幢一居中牙門旗八分左右第二行君王萬歲旗居中日旗在左月旗在右第三行五方龍旗十五五方鳳旗十五第四行紅龍旗三十四第五行紅鳳旗三十四皆分左右第六行自內而東太平莖文合璧莖文赤龍青龍旗未午巳辰卯寅旗青天王旗白天王旗各一自內而西祥雲連珠祥雲黃龍白龍黑龍旗申酉戌亥子丑旗緋天王旗皐天王旗各


一第七行自內而東河瀆江瀆兕赤熊馴犀角觝鷄鷄
網子旗各一自內而西淮瀆濟瀆兕赤熊馴犀角觝鷄
鷄網子旗各一 外仗左邊第一行第二行

並不列旗右同

第

三行從北角亢氐房心尾箕斗牛女虛危室壁旗各一
次重輪旗左攝提旗青龍旗各一木火土金水星旗各
一北東中南西嶽旗各一次紫排攔四黃排攔四紅排
攔四吏兵旗二天馬旗一右第三行從北奎婁胃昂畢
觜參井鬼柳星張翼軫旗各一次重輪旗右攝提旗白

虎旗各一東南中西北方神旗各一風伯雨師雷公電
母北斗旗各一次紫排攔四黃排攔四紅排攔四吏兵
旗二天馬旗一



欽定續通典卷六十五